

Seizcin Baij Dan

□ Vangz Gijveiz / 黄启维

5 bi gonq, Cangh canghyw dai yanghcin aen veiswnghyen ndeu diuh daengz yen yinzminz yihyen bae guhhong, mehyah de hix riengz de haeuj singz lo.

Bonjlaiz mehyah de dwg boux guh hong reihnaz caixhangz ndeu, mwh youq ranzcoj lajmbanj de gaenx bae raeq geij moux reihnaz ndawranz, ciengx di bit gaeq caeuq mou, gij doxgaiq ndaw ranz bingzciengz gwn roxnaeuz yungh dauq hix lij ndaej gag gaeuq gwn gaeuq yungh, gwndaenj mbouj yousim.

Hoeng vahnug gangj naeuz “vunz yienq giz sang byaij, raemx coh giz daemq lae”, Cangh canghyw mbouj rox baenz seiqvunz cungj youq ndaw yangh veiswnghyen guhhong, caiq gangj song laeq lwnyez hix lij yaek aeu bae ndaw singz doegsaw ne. Ndigah mehyah Cangh canghyw hix cij ndaej riengz haeuj singz bae lo.

Daengz ndaw singz gvaq saedceij, cawz le ngoenznaengz ndawranz doenghgi gwn yungh aeu sai ngaenz le, miz ndwen daengz haemh lij aeu ciuqseiz boiz ngaenz cawx ranz dem, dan baengh di gunghsw h Cangh canghyw souhaeuj gig noix mbouj gaeuq yungh geijlai ha. Caemhcaiq dahlwg hung ngamq hwnj dayoz, daeglwg hix hwnj gauhcungh lo, ngoenznaengz gij haisiu gig lai, hawj mehyah Cangh canghyw roxnyinh diuz rap gwnz mbaq engq naek lo. Baenzneix mehyah Cangh canghyw hix bae dieghong coengh vunz buen cien umj rin gvaq, hix bae guh gvaq hong dajbaet ……

Song bi gonq, mehyah Cangh canghyw haindu j baij dan, gai di byaekcwx gva mak, ndangdaenj boux-

geq caeuq lwnyez, dauq hix canh ndaej di cienz, hoeng moix ngoenz cungj aeu caeuq singzguen doxndoj, gig mazfan, loengh mbouj ndei deng gaemh lij deng fad ngaenz dem ne.

Miz baez ndeu, de cingq youq henz gai baij dan gai lwgmaenz, nyaengqfoedfoed seiz, singzguen sawqmwh daeuj daengz lo. De caeuq doengh boux baij dan gizyauw vuengmuengz buetdeuz, aen daengq iq de aeu mbouj gib couh deng muedsou bae lo. De lau ndaej ndang saenzdedded, sim diuq-boebboeb mbouj dingz, caeklaiq vunz mbouj deng gaemhdawz, mboujnex couh mbouj rox deng fad geijlai cienz lo.

Vihneix, ngoenznaengz de mbouj noix caeuq bouxgvan Cangh canghyw dwen daengz aeu bae banh cingq habfap baij dan, Cangh canghyw hix dwg baezbaez cungj ngaekgyaeuj dapwngq lo, hoeng itcig cungj banh mbouj ndaej.

Miz baez ndeu, daxmeh singz-guenj duicangj Siuj Vuz baenzbingh bae yihyen, de rox le, couh heuh bouxgvan Cangh canghyw byaij “doulaeng”, hawj daxmeh Siuj Vuz anbaiz aen fuengzbingh ceiq ndei, vanzlij siengj banhfap hawj boux canghyw ceiq daeklig bae ywbingh. De lij cawx mak bae yawj dem, gouz Siuj Vuz ngoenzlaeng youq gwnz gai lai ciuqgoq de di. Hoeng daxmeh Siuj Vuz bingh ndei ok yihyen le, cingq baij dan hix banh mbouj ndaej, moix baez bae baij dan lij ciuqyiengh deng singzguenj gyaep.

Miz baez he, de youq henz gai baij dan gai byaek, cingq caeuq bouxcawx gangj gvaq boiz gvaq,

sawqmwh miz vunz naeuz “singzguenj daeuj lo”, vunz wnq ganjip rap doxgaiq hwnjdaej lumj duznou raen duzmeuz nei buetdeuz caez lo. De buet mbouj gvaq Siuj Vuz, deng gaemhdawz lo. Siuj Vuz naeuz bonjlaiz yaek fad de, hoeng de saeqsim goq daxmeh bonjfaenh gvaq, cuengq de baez ndeu, baezlaeng danghnaeuz caiq

youq henz gai baij dan, gaemhdawz le couh yaek deng fad lo!

Dauqma le, de caeuq bouxgvan Cangh canghyw gangj gij saeh neix, nam Cangh canghyw mbouj miz bonjsaeh. Cangh canghyw hix cijndaej ngaemgyaeuj, mbouj rox baenzlawz guh.

Hoeng mbouj miz ngaenz baenz-lawz gvaq saedceij ha, gizgiz aeu sai ngaenz, mbouj miz cingq hix aeu mauhyiemj bae baij dan. Baenzneix de caiq bae baij dan, couh laebdaeb caeuq singzguenj doxndoj, singzguenj baez daeuj couh vaiqdi ndoj hwnj-daeuj, singzguenj baez deuz caiq baij okdaej, guh gij gaicawx iqetet lumj guhcaeg nei.

(caengz sat)



Gyoengqsau gyaendei riunyumnyum coux bouxhek daengz.

Suz Gin ingj

“O? Baenzlawz yiengh lo? Youq byongh roen deng sanq?”

“Mbouj deng sanq, cij dwg mbaq gou cungj deng muz ndaej foeg lo.”

“Naek lai?”

“Deng ha! Byawz hawj mwngz cug ndaej baenzneix hung, gou baenz-lawz rap ndaej hwnj?”

“Hab dai, hab dai!” Lungz Byauh roengzrengz roq aen’gyaeuj bonjfaenh, “Gou baenzlawz baenzneix huk?”

“Rap byaij roen youh mbouj ndei gwq yietnaiq, hix mbouj gamj oksing, gyoengqde lij youq baihlaeng coi gou byaij vaiqdi, mwngz naeuz, dwg mbouj dwg haih dai vunz lo?” Siu Cuh doq ienq de doq iet fwngz nyaenx mbaq bonjfaenh.

“Gou caen hab dai!” Lungz Byauh youh najmong youh sim’ in Siu Cuh, byaij gvaqbae siengj iet fwngz bang de nyaex mbaq.

“Ngoenzneix caiq hix mbouj gamj hawj mwngz bangfwngz lo.” Siu Cuh loq nyaueq ndaeng, baez cienq

•Sawcuenhraz Lwngyez•

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

ndang couh gungj hwet roengzbae gip fagcax.

“Mbouj, ngoenzneix itdingh aeu hawj gou lai guh di hong daeuj rouh coih!” Lungz Byauh vaiq gvaq de, baez vax couh gip fagcax gwnznmh hwnjdaej, “Hawj gou daeuj gvej ba.”

Siu Cuh ndoj youq henz yawj de, fouznaih nyaueq bwnda.

“Ndei ha!” Siu Cuh bibi fwngz, daenj hwnj mauhdiemx, “Yienghneix gou couh cug haz, mwngz aeu haeujsim gaej deng gij oen camx fwngz mwngz bw.”

“Gij naeng fwngz gou na raeuh, mwngz cuengqsim lo.” Lungz Byauh roengzrengz vad fagcax.

“Mbouj deng ba! Lauheiq dwg naeng naj ceiq na bw.”

“Caih mwngz baenzlawz gangj.” Gyauej Lungz Byauh ngiengx hix mbouj ngiengx baez he laebdaeb gvej.

Siu Cuh ndwn youq henz yawj le song baez, cij dawz cagndaij bu youq gwnznmh cug haz sau.

Ngoenzneix Lungz Byauh gvej haz dwg vihliux rouh coih, ndigah daegbied haenqrengz, doenghgi haz caeuq faexcaz cungj boihseiz lo, baez go baez go laemx youq laj fwngz de, yaep he gaenq gvej ndaej benq hung he.

Siu Cuh cug ndei le song gwed, byaij gvaqdaej raen de lumj duz

mouraih nei ngaemgyaeuj gvej haenq, mbouj ndei eiqseiq, doq heuh de:

“Vei, gaej baenzneix haenqrengz lo, ngoenzneix mwngz guh ndaej gig ndei lo! Yietnaiq yaep he ba.”

“Mbouj! Mwngz gag yietnaiq ba.”

Lungz Byauh cingq gvej ndaej miz yinxdaeuz, vad fagcax lienzienz, itseiz hix daengx mbouj roengzdaej. Siu Cuh ndwn youq baihlaeng de bibi gyauej, cijndei hawj de laebdaeb guh roengzbae, bonjfaenh cingq anq ndaej ndojgik, cienq ndang naengh youq go faexhung lajde, youq gizgyae muengh Lungz Byauh gvej nywj, gok-bak riunyumj mbouj rox ngeix maz.

(caengz sat)